

己未詞科錄

已未詞科錄卷九

通議大夫廣東提刑按察使司按察使無錫秦瀛輯

叢話

一
總類

康熙十八年

詔舉博學鴻詞海內之士應

詔集

闕下者百餘人

上親試之得五十人悉

命官翰林纂修明史異數也與余雅故者施愚山閨章

汪鈍翁琬秦對巖松齡錢宮聲中諧曹峨嶺禾喬石林

萊李子德因篤陳其年維松毛大可奇齡朱竹垞彝尊
汪舟次楫嚴蓀友繩孫徐勝力嘉炎潘次耕耒李渭清
澄中方渭仁象瑛周雅楫清原暨家戒三達平賦贈五
十韻詩云泰華因培塿涓流赴溟渤鳳翽儀高岡麟游
以時出

聖朝棟梁具峩峩臯與高更聞闕門典搜剔遍嚴穴博
學鴻詞士有

詔徵詣

闕奏賦

太和殿金石殷摩戛清越諧璆琳鑱鏤詎蠟蜺三相驗

討論

天子親甲乙拔九五十一一枚馬列維時月在臯既
望越二日喧喧下

明詔並

命登禁闥冢宰侍故事

聖恩特超越鳴珮翔鳳池排風羨毛質我方客京華枯
兀類株檠廡下新僦居畏熱脫巾襪當食聞除書驚喜
失嗅嚼同時諸君子與我半膠漆故歡諧縞紵提攜愧
先達新交紉蘭茝推挽比蚤歷亦有吾宗賢飛轡偶時
詰羣公旣彙征吾賤亦辱豁此舉良曠典盛事久雍闕

科名束縛人如驥就銜鐵奇士苦攀拘平流得津筏嘉
祐制舉科得士惟軾轍三等占久虛何況二與一浩蕩
蒙殊恩公等宜惕怵比聞啓史局行紬金鎖繙茲事誠
大難煌煌鉅著述餘子何足云曄壽頗排訐龍門扶風
後廬陵庶頡頏發凡及起例鄭重非瑣屑前明三百年
大事凡六七文皇靖難師忠臣慘刺剗遜國諸名賢姓
氏半磨滅興獻議大禮杖戍全肉血三案益紛拏賢姦
慎剖別嗚呼鎮撫獄清流離羅尉閹寺內竈煬盜賊外
潰決民窮賦歛繁遂令國步驟思陵死社稷中外多仗

節褒忠自

聖朝闡幽待特筆此皆關治亂件繫宜縷悉微辭或隱
顯義例嚴摘截我學愧雕蟲我生類蠛蠓詎能生羽毛
行當返蓬華東澗躬桔槔南岨茹薇蕨茅簷日偃仰簡
編事繙閱庶人豈敢議草野有公隲努力期諸公千秋

光史帙

邵長蘅青
門旅囊

宜興陳其年維崧年四十餘尚爲諸生一日過京口有
日者謂之曰君年過五十必入翰林宣城梅杓司磊因
贈以詩曰朝來日者橋邊過爲許功名似馬周至己未
果以諸生應博學鴻詞薦授翰林院檢討時五十六又
有范騷者字文園善相人謂武進周清原吳江徐鉉皆

當不由科甲入翰林己未皆驗范海寧人驤字文白之

弟也

池北偶談

康熙己未上元夜予尚依內閣學士李夫子宅夫子方出閣招予至東華門舊宏文院夜飯觀燈歸第夫子當夕製上元觀燈曲子依韻和之次日舍人汪蛟門錄予詞詣梁尚書請觀值尚書作勝會設席于猪市對門王光祿宅有內務府供奉太倉王生無錫陸生陳生攜笙笛在座其時薦舉來京者惟施愚山大參陳其年高阮懷兩文學赴召請到門尚書立命具小輿招予酒再巡二生遞歌王生把笛演舊清曲畢尚書命二生歌予詞

使王生以笛倚之侗儻嘹唳一坐皆竦聽尚書大悅因問笙笛必有譜此無譜而能倚曲何耶王生曰善歌者以曲爲主歌出而譜隨以成不善歌而斆歌者欲竊其歌聲則以譜爲主譜立而歌因以定尚書曰有是耶然則今所歌者其歌聲已歇矣君尚能依其聲立一譜乎曰何不可次日王生就昨所歌者竟定一笛色譜尚書命他僮就笛按聲與昨歌無異因歎息謝去尚書者眞定相公梁夫子也時爲司農有年矣後予臨入館執贄門下特是詞倉卒湊趣極不愜意不知夫子何以見賞如此益信李白清平調詞白樂天桂華曲原不必佳也

毛奇齡西

河詩話

京師萬柳堂在崇文門外平疇曼衍布以萬柳類土坡
疏沼埴塹潏洿此本益都夫子創置之爲朝士游憩地
每歲逢上巳夫子必率門下士修禊其中飲酒賦詩竟
日而散壬戌上巳陪侍者三十二人夫子唱二詩其首
章第六句曰水萍風約故汾畱似有所寄及閱和詩每
遇是韻輒沈吟良久如徐春坊健庵盡日行吟步屨畱
施侍講尚白回溪時有斷雲畱陸編修義山落花香積
蝶鬢畱方編修渭仁煙宿寒山翠欲畱徐檢討華隱小
雨泥看屐印畱高檢討阮懷羽觴汎汎去還畱汪主事

蛟門輕陰時爲落花畱林中書玉岩檻拂垂楊叫栗畱
最後至潘檢討稼堂東山身爲草堂畱夫子拍案而起
稱爲第一蓋是年七月夫子將致政故先以畱字探意
及得是語便犁然有當也益都論詩最尚六義故卽唱
和閒其爲比爲賦皆有歸着非苟然者

同上

己未詞科內自京卿外自藩臬以下之在籍者以及布
衣章帶名儒宿學悉應

文明之運颺合雲興蔚乎盛矣其向官翰林重入史館
者睢州湯潛庵先生暨吾鄉對巖秦公而吳臥山邵戒
庵則嘗爲庶常改部沈晴巖錢越江又皆新科中式進

士而四布衣則吾鄉嚴秋水亦居其一焉當時前代遺
民多膺徵辟是以獻嘲者有無數夷齊下首陽之語然
亦有赴有不赴於

國家易求之典諸公高尚之節皆足千古矣

浦起龍不
是齋筆記

李湘北爲閣學時嘗舉李因薦趙進美秦松齡皆詞翰
之雄在吏部舉陸隴其邵嗣堯彭鵬皆有清介之操一

時物望歸之

茶餘
客話

馮益都文毅溥攜諸名士雪中遊善果寺晚歸取陳檢
討其年詩令毛西河和一人倡韻一人給寫隨唱隨咏
信口占叶不許停刻亦絕技也同時如龔芝麓司寇高

念東少宰皆以捷敏見稱毛西河奇齡自言爲文每日
可一萬字爲詩每日可一千句陳其年言腹中尚有駢
體文千餘篇恨手不及寫耳視宋仇萬頃未達時挈牌
賣詩每首三十文停筆磨墨罰錢十五文不足數矣趙
松雪自言一日寫一萬字夔子山自言一日能寫三萬
字以檢討之才得平章之手斯兩美合矣同上
國朝修明史自順治二年以內三院大學士爲總裁率
編檢等官纂修康熙十八年三月舉博學鴻詞科得彭
孫通等五十人授翰林入館纂修

天子平滇平蜀諸臣並撰進詩冊叨與

昇平嘉譙賞賚優渥

上幸太液池特頒池藕以

賜尤異數也十九年復徵前科臣李清者儒黃宗羲候
補主事汪懋麟原任副使道曹溶貢生萬言監生姜宸
英布衣黃虞稷入館分修李清黃宗羲汪懋麟曹溶黃
虞稷皆嘗膺博學之薦以事未赴而姜宸英則未及薦
舉者也李清黃宗羲曹溶卒不就二十一年增設總裁
湯斌以侍讀奉

旨特充雍正元年鴻博中惟大學士王碩齡尚在

特命爲監修官

趙夔鳳
聞見錄

吾邑陳樹屏典簿于蕃藏銀爵五傳爲仁和沈開平太史故物太史名筠康熙己未以庶常舉鴻博除編修值其父遽翁生日同年共製銀爵以介壽每爵各鏤四人性名施閏章九侗彭孫通袁佑爲一爵秦松齡汪楫朱彝尊沈珩爲一爵李來泰毛奇齡錢中諧黎騫爲一爵方象瑛龍燮周慶曾龐塏爲一爵曹禾李澄中喬萊曹宜溥爲一爵凡二十人未及其半也周菴兮大令春賞命工續圖而歌咏之騫與陳敷貞萊孝俞秉淵思謙沈呂黃開勳陳仲魚鱣俞雲章寶華及樹屏皆有詩頗爲好事所傳謂之詞科餘韻云

吳騫尖陽叢筆

南昌重建滕王閣落成名流競爲賦詩推彭少宰羨門
擅場中聯云依然極浦生秋水終古寒潮送夕陽余嘗
喜諷詠之謂劉文房郎君胄無以過也彭又題湖口句
云湖光盡日依樓堞山色終朝滿縣城亦是寫照漁洋詩話
竹枝古稱劉夢得楊廉夫近彭羨門尤工此體如廣州
竹枝云木棉花上鷓鴣啼木棉花下牽郎衣欲行未行
不忍別落紅沒盡郎馬蹄半年水宿半山居冬採香根
夏採珠珠好須從蚌中覓香燒還仗博山鑪山陰徐緘
伯調越中竹枝云句踐城南春水生水中鬪鴨自呼名
伯勞飛遲燕飛疾郎進城時儂出城皆本色語也汪鈍

翁又擬葉水心作洞庭竹枝詞

同上

康熙癸卯歲將除孫無言默欲渡江往海鹽訪彭十羨
門人問有何急事答曰將索其延露詞與阮亭衍波詞
程村鄒祇謨麗農詞合刻之陳其年維崧贈以詩曰秦
七黃九自佳耳此事何與卿飢寒孫新安人居廣陵
余少與彭少宰羨門友善後同官卿貳一日諸公集朝
房余問彭兄鄉中蓴菜風味何似彭答云不知余笑曰
應緣無蓴鱸之思是以不知其味彭與諸公皆大笑
吾友彭少宰羨門以康熙丁丑假歸己卯九月率子姓
姪甥輩登秦駐山賦詩云平生幾雨中郎屐更不登臨

柰老何明年庚辰重九後遂下世殆詩識也

居易錄

汪鈍翁琬說鈴云二王好作香奩詩倡和每至數百首
劉公猷體仁曰此雖慧業然并此不作可也蓋余少時
與兄西樵及海鹽彭少宰羨門孫適倡和香奩體詩世
多傳之彭有句云仙路無緣逢巨勝珠胎有淚滴方諸
西樵有句云下杜城邊分驛路上闌門外足長亭余亦
有句云洛浦神人工拾翠魏家公子妙彈碁梅根冷裏
春逢信蘭葉舟中晚趁潮詳載彭王倡和集
古夫于亭雜錄
彭羨門驚才絕艷詞家推爲獨步王阮亭稱其吹氣如
蘭每當十郎輒自愧儉父

今世說

江寧倪檢討有塔光詩是觀報恩塔放光所作或謂前朝造報恩時覓西域舍利藏其下以厭之故有光或曰不然凡塔皆能放光不必舍利亦不必報恩但報恩放光一月數見且見亦屢異曾聽櫟下老人云夏月晚飯後納涼棚下家人報報恩放光急出視則與往所見不同每層闢蟄處無論啟閉必有光一道拔蟄門出其光青紅色凡若干道如雨後垂虹萬條圍攢下狹上廣比之蓮花之仰開者每光末各有小蓮座坐如來其中大是駭人又一日雷雨後從石子岡歸人家矮牆闕處聚男婦指觀伍伯詢問之云報恩放光然後注視見墨雲

橫堆割下甚齊輪頂戴圓光如晶毬與塑象佛頭圓光
正同光所指當黑雲割處或將白插黑堆中半割水規
如上弦之月或以白光翳雲表恍懸鏡壁帶間烏漆板
面有圓鏡齧缺一吞一吐如是累刻此二次皆見之最
異者始知神物叵測如此

西河詩話

余三至金陵庚子以鄉試分考至渡江日已曛黑東炬
登燕子磯題詩石壁翼日金陵競傳寫之和者甚衆辛
丑以讞獄至作秦淮雜詩金陵遊記每讞事畢輒肩輿
往烏龍潭靈谷玉官諸寺城南高座若干諸古刹探幽
訪古而公事未嘗廢也乙巳內遷禮部解郡後客金陵

凡前所未經歷者如牛首祖堂棲霞花山與方丈爾止
其遊焉補遊記數篇通集所作詩文爲白門前後集汪
琬鈍翁序之及乙丑祭告南海歸過金陵當時老友皆
已淪沒唯倪燦鴈園以翰林請假里居顧予舟中予感
賦一詩云往日秦淮水朱樓賦洞簫白頭故人盡重過
石城橋一夕卽解纜渡江矣

居易錄

批點王學質疑知足下畱心正學師門箕裘不墜喜何
如之自王學盛行以來漸漬於人心高明之士多陷溺
其中不可救藥武承一書刊行不滿者甚衆甚有欲毀
其板者如足下之咄咄歎賞豈可多得哉嘉靖時粵東

陳清瀾曾著學部通辨一書其言朱陸異同尤詳曾見之否近年新刻其書於南中當另覓奉也

節錄三魚堂文集答柏鄉

魏荔形書

東川詩英爽絕人嘗作大梁東友起句云星文三尺劍霜刃十年痕自是無知己非關不報恩傑作也

歸愚文集

汪嘉穀按東川侍郎有記得年時重九日全家登閣看秋山之句毛西河檢討題其詩卷云庭闈眷戀賦歸難酒伴相逢強自寬只合宅西添小閣秋山且當故園看其仲子日祺能承家學朱檢討贈詩有云阿戎飛動意離席倒詩囊

門人編修喬君子靜以康熙二十年冬典粵試往返半
歲有詩若干篇編爲一通自洞庭瀟湘南嶽九疑以至
零陵桂林諸名蹟犁然皆具而其詩又奇秀峭拔與其
山川相似至於磨厓碑黨籍碑數篇於前代興亡人才
消長之際尤三致意焉非僅侈登臨遊觀之美已也

漁洋

文略

康熙乙丑元夕

上于南海子大放燈火使臣民縱觀仿大酺之意先於
行殿外治場里許周植杙木而絡以紅繩中建四棚懸
火箱其中芴樹八杆卽八旗也旗人認志色分駐而常

前四綠旗則漢人所駐之地一切官民老穉男婦皆許
進觀初設鹵簿及

駕奉

兩宮從永定門赴

行殿諸王羣臣次第至

賜官厨肴饌人酒三甌能飲者不計於是徹仗張燈出
宮人五十人虹裳霓衣覆以雜綵人擔兩燈各踞方位
高低盤舞若星芒撒天珠光燭海眞異觀也旣則火發
于簫以五爲耦耦具五花掄升遞進乃舉巨礮三火線
層層由下而上其四箱套數若珠簾焰塔葡萄蜂蝶雷

車電鞭川奔軸裂不一而足又旣則九石之燈藏小燈
萬一聲迸散忽萬燈齊明流蘇葩瑤紛綸四垂箱中鼓
吹竝起纂靴簫篳篥次第作響火械所及節奏隨之霹靂
數聲煙飛雲散最後一箱有四小兒從火中相搏墮地
礮聲連發別有四兒花襦褶杖鼓拍板作秧歌小隊穿
星戴焰破箱而出翕倏變幻難以舉似然後徐闢廣場
有所謂萬國樂春臺者象四征九伐萬國咸賓之狀紛
綸揮霍極盡震炫而後已次日校獵

上親御弓矢九發皆中于是

詔進百戲都盧尋橦拍張角觥畢陳于前時羣臣從觀

者皆有詩喬侍讀石林賜觀煙火歌有云須臾飛輪忽
下射百尺倒挂珠簾櫳纔看朱塔矗崑崙旋見白浪翻
艤艫華燈萬點互明滅錦屏六曲相玲瓏又云頃之四
垣赫照燭炎官火傘張蒼穹伏如臥鼓守堅壁屹若列
甲乘高墉霞車纛翻暗壓陣星箭蜎集宵舉烽重圍遙
聽屋瓦震百戰仰受雲梯攻丹莢絳旃助神怪雲興霧
合遮冥濛可謂極善摩畫然于當日所見猶若未盡後
見張編修占臣四律詩有寒風忽散靈和柳陸地驚開
太華蓮隔影罽恩飛燕雀憑虛簫鼓蕩樓船諸句則于
旱地蓮船煙檣饒吹諸景庶一及之獨徐春坊勝力作

記名紅門火花記備載詳析一覽了了文見本集

西河詩話

康熙辛丑元旦朝禮畢同赴

內廷獻

壽大學士馬公齊以下十四人時大學士王公頊齡年八十松公柱蕭公永藻王公揆張公鵬翮田大司農從典皆七十以上馬公及貝大宗伯和諾孫大司馬柱賴大司寇都陳大司空元龍黨總憲阿賴年皆七十蔡大宗伯升元張大司寇廷樞年六十八上有

壽考之君下多平格之臣賡拜一堂千古佳話

茶餘客話

瀛校王文恭位宰輔年最高是年先宮諭亦以祝

釐至京與宴朝中自大學士以下由翰林出身者
科目推先宮諭爲首

天子賜杖寵之賡和諸什具載

萬壽盛典

富平李天生因篤年三十棄諸生博學強記十三經注
疏尤極貫穿長律得少陵家法常以四十韻詩贈曹秋
岳曹歎曰數百年無此作矣李有句云林谷關音本乾
坤老象才子謂理語經語最不易下坡公寫杜詩至致
遠恐終泥停筆謂學人云此句不足爲法王敬美云曹
子建後作者多能入史語不能入經語謝康樂出而易

辭莊語無不爲用然則用經固以康樂爲宗也

居易錄

人生大節首在忠孝若夫縻之爵祿不爲榮臨之斧鉞不爲屈以全其致親之義以成其不負國之貞非性分定而學力優者蓋難言之

皇朝摘華之彥疊跡蘭臺捍圉之才蜚英麟旬如近日李徵君陳情辭職葉方伯見危致命忠孝之誠洋溢楮墨洵天地間兩大文章也李徵君因篤字天生一字子德西安富平人康熙己未

詔海內博學鴻儒至京師因篤試授翰林院檢討以母老上疏辭歸得允其詞奏爲徵臣母老多病獨子萬難

遠離泣血陳情籲恩歸養事竊惟幼學而壯行者人臣之盛節辭榮而乞養者人子之苦心故求賢雖有國之經而教孝實人倫之本伏蒙

皇上敕諭內外諸臣保舉學行兼優之人比有內閣學士項景襄李天馥大理寺少卿張雲翼等旁採虛聲先後以臣因篤姓名聯座薦牘奉

俞旨吏部遵行陝西督撫促臣應

詔赴京臣自念臣母年逾七旬屬歲多病又緣避寇墜馬左股撞傷晝夜呻吟久成廢疾困頓床褥轉側需人臣止一弟因材從幼過繼於臣叔曾祖家分奉小宗之

祀臣年四十有九兒女並無母子瑩瑩相依爲命躬親
扶侍跬步難離隨經具呈哀辭次第移咨吏部謂咨內
三人其中稱親援病恐有推諉一概駁回竊思已病或
可僞言親老豈容假借臣雖極愚不肖詎忍藉口所生
指爲諉卸之端痛思臣母遲暮之年不幸身嬰殘疾臣
若貪承

恩詔背母遠行必至倚門倚閭夙病增劇況衰齡七十
久困扶床輦路三千難通嚙指一旦禱北辰而已遠迢
西景以無期萬一有爲子所不忍言者則毛義之捧檄
不逮其親溫嶠之絕裾自忘其母風木之悲何及餅壺

之恥奚償卽臣永爲名教罪人虧子職而負

朝廷非臣愚之所敢出也

皇上方敬事

兩宮聿隆孝治細如草木咸被矜容自能

宏錫類之仁推之士庶寧忍孑然母子飲泣向隅奪其
烏鳥私情置之仕路蓋閣臣去臣最遠故以虛譽採臣
而不知臣之有老母也臣雲翼與臣皆秦人雖所居里
閭非遠知臣有老母而不知其旣病且衰委頓支離至
於此極也卽部臣推諉之語概指臣三人而言非謂臣
當必舍其親而不之顧也且臣雖譴陋而同時薦臣者

皆

朝廷大臣其於君親出處之義聞之熟矣如臣獵名違母則其始進已乖不惟瀆斁天倫無顏以對

皇上而循陔負疚躁進貽譏廁於薦臣諸臣亦爲有礙面目去歲臺司郡邑絡繹遣人催臣長行急若風火臣趨

朝之限雖迫於戴星而問寢之私倍懸於愛日然呼天莫應號泣就途志緒荒迷如墮雲霧低頭轉瞬輒見臣母在前寢食俱忘肝腸迸裂其不可瀆官常而干祿位也明矣況

皇上至聖至仁以堯舜之道治天下敦倫厚俗遠邁前朝而臣甘違離老親致傷風化有臣如此安所用之乃臣自抵都以來屢次具呈具疏

九重嚴邃情壅上聞隨於三月初一日扶病考試蒙皇上拔之前列奉

旨授臣翰林院檢討與臣同官纂修明史聞

命悚惶忝竊非分念臣衡茅下士受

皇上特達之知

天恩深重何忍言歸但臣於去秋入京奄更十月數接家信云臣母自臣遠離膝下哀痛彌侵晝夜思臣流涕

無已雙目昏眊垂至失明臣仰圖報

君俯迫諭母欲畱不可欲去未能瞻望

闕庭進退維谷乃於五月二十一日具呈吏部未蒙代
題臣孺切下情惟有哀祈

君父查見行事例凡在京官員門無次丁聽其終養臣
爲獨子與例正符伏願

皇上特沛

恩慈許臣遄歸扶養其母叨沐

聖澤以終天年臣母殘病餘生統由再造不惟臣母子

啣環鏤骨誓竭畢生而報

國方長策名有日益圖力酬

知遇務展涓埃矣葉方伯映樞號蒼巖松江上海縣人
康熙戊辰映樞以湖廣糧儲道攝布政司事適夏逆作
亂先遣僕奉其母出城由水道還家乃刺血書表潛達
御前於藩署大堂朝服正坐自刎其詞奏爲臨難瀝血
陳情恭譔

天恩事切臣一介監儒倖中辛丑進士選擢庶常叨沐
皇上高厚深恩歷任今職常以潔已奉公砥礪夙夜但
愧才具庸虛寸長莫效茲於康熙二十七年五月初九
日署理布政司印務忽於本月二十二日督標裁兵陳

夏包子倡亂閉城造反刼奪撫臣敕印分兵圍臣衙署
百計脅從臣幼讀詩書麤知禮義雖白刃在前豈肯喪
恥苟生此時卽欲率同妻女闔門殉節第念臣母年已
七十六矣隨臣任所長子監生葉敷又遠在原籍其餘
二子年未成童煢煢孤嫠死將安歸臣心不忍因遣妻
女奉臣母於水溝遁出潛逃臣此時微服匿影或可倖
免以圖後效伏念臣守土之官也城存與存城亡與亡
義所當然謹將糧道衙門及布政司道號印五顆封付
家人葉善林屬向所過衙門呈繳具題復謹繕謝
恩一疏屬付家人葉升等俟臣盡節之後奔赴京師詣

通政司衙門賫投臣謹於本月二十六日朝服向

闕九叩謝

恩畢隨升臣衙門罵賊以佩刀自刎勉盡一死以報
國恩但恨事起倉卒既不能先事綢繆默消反側復不
能臨期捍圉獨守孤城上享三十載之

皇恩下負七旬餘之老母

君親兩負死有餘愧伏惟我

皇上廟算如神兵威丕振么麼小醜指日掃滅但臣不
能忍死須臾以覩蕩定惟有生生世世啣結無盡而已
上覽奏惻然褒卹有加嗚呼世有視終南爲捷徑而絕

裾不顧藉檻車爲福堂而係頸自甘者彼何人哉讀二公之文亦可以少愧矣

觚臚

富平李天生今之辨博者聞其論曰古人敘次世系卽子之於母有疑互者同人不勝駭異請徵其義曰杜工部母崔氏不待言而作范陽盧太君墓志乃云冢婦同郡盧氏冢婦者奉天令之妻是工部之母又盧氏盧亦名族何不見詩中有某舅內弟表姪之稱若崔者乎余因而詳考范陽盧太君志與他志例敘者不同先敘三男三女或存或歿次敘一男二女或存或歿然後敘其往葬旣哭成位有若冢婦同郡盧氏介婦滎陽鄭氏鉅

鹿魏氏京兆王氏皆及見存之子婦此作於天寶三載
公母崔已蚤亡而見存者繼母也盧卽其繼也公家兩
世皆繼娶於盧詩中若十一舅十七舅二十四舅不著
崔字面安知非盧送盧十四弟侍御懷盧十四侍御弟
尤明婦表弟天寶初南曹小司寇舅於我太夫人堂下
累土爲山太夫人旣盧則小司寇舅應亦盧舅因公之
母黨實亦太夫人之姪耳故有期舉因又歎博極羣書
如某公亦不免誤曰家婦盧氏的爲傳寫之譌不知非
譌也此及其見存者公之父閑爲審言元配薛所生公
爲閑元配崔所生也

潛邱
劄記

顧亭林遊濟南爲一達官置之獄富平李天生數千里
往救之得全亭林賦詩三十韻以譏天生廣二十韻酬
之不愧古人風誼天生幼孤外祖田時需撫之成立

翁玉

濤聽竹山
房詩話

無錫秦畱仙從軍荊州雨泊仙桃鎮中夜聞琴聲甚清
越跡之乃一老書生也破簷數椽風貌樸野秦遂賦憶

秦娥詞贈之

池北
偶談

再承先生書問深感注存知名園卻掃銳意著書清詠
之多亦復盈筇碧山舊社爲不寂寞矣何時得辦筇笠
一訪雲林清閼之奇耶三昧一集偶然成書妄欲令海

內作者識取開元天寶本來面目又妄謂後世選唐人詩較唐人自選終隔一塵故又嘗取殷璠高仲武諸家之選各加刪定而益以韋莊又元姚鉉文粹通爲唐選十集刻於玉峯又二十年前曾有五言詩七言詩之選頗有別裁五言始十九首而終隋附以唐陳拾遺張文獻李供奉古風韋蘇州柳柳州五人之作七言則始易水大風垓下諸歌而終於宋元諸大家荆溪爲刻其本先生試遣訊二處索之可朝發夕至也

蠶尾文答秦
畱仙宮論書

畱仙太史罷官後奉

命從軍荆南余亦應幕府之辟道塗所經眺匡廬涉彭

蠡弔叔子於峴首訪仲宣之故樓時方烽煙蔽江礮車
轟日晝夜不絕顧相與登臨賦詩共吐胃中之奇醞釀
千古馳驟發作於江山逆旅之間隱隱嶽嶽意致兀莽
比太史膺薦重入翰林而余困頓里門白頭憔悴撫今
追昔念我良友不禁嬋媛太息

陳瑞聲城南雜記

對巖公年十八以順治甲午舉於鄉閱康熙甲午年七
十有八未及重與鹿鳴先期卒其沒之三日有請卮于
邑之南城者卮云南國詞人西清學士身惹

御爐煙後書畱仙二字蓋傳公於是日降壇也

秦鈞儀若舫叢

話

對巖先生於軍中聞辟召之

命嘗賦荆南春日感懷詩有上林春色應如舊憔悴當年獻賦人之句又應

詔北行有途次和蓀友詩云軍府元瑜羞筆扎公車曼倩倦風塵

恩頒薦舉人月廩恭紀詩云上林未給尚書扎客舍先分少府金皆實錄也

徐流方沙村偶筆

周春按王文簡送秦畱仙太史歸梁溪詩云我鼓湘靈瑟君彈昭氏琴房櫓激流徵太息感知音古塞鴻聲遠離堂燭淚深臨觴忽不御爲爾一沈吟

宮諭答云擊筑心更苦聽君彈玉琴君言久不御
爲爾發清音高館夜將半他鄉春欲深忽思歸舊
隱對酒一沈吟太史歸後讀書寄暢園與一時名
士極文酒倡酬之樂尤西堂侍讀詩所謂主人雖
避俗客至喜開尊鋪啜皆精妙文章共討論者也
姜湛園編修作秦園記謂去屠儀部作記時度又
八九十年而古木清泉蒼翠無改文簡送太史詩
在康熙辛亥去今又一百四十餘年甲第蟬聯名
賢輩出與泉石交輝使屠姜二公見之當如何也
周清原以監生赴京時祈夢于忠肅公祠夢忠肅盛衣

冠降階欵迎揖就坐莊容相對默默無語有童子立戶側朗吟一片冰心在玉衡者三竊訝之不敢問頃辭出忠肅送及階握手言曰余事在爾爾事在余其謹識之覺後不解所謂及入都謁董侍講訥一見如素館於其家先夕董夢忠肅投刺拜訪意若有所屬未及諮而寤清晨闌人報周至故異而優禮之康熙己未開博學鴻詞科遂薦於

朝賦題乃璿璣玉衡也乃悟前夢文思沛然若有夙構遂中一等第九名授檢討纂修明史適周分得于忠肅傳同官有以易儲事議之者周立辨其誣論始定

秋燈叢話

康熙四十六年

聖祖南巡布衣龔士炯獻歷代年表十五卷所載至隋而止

詔工部右侍郎周清原重修未歲事而周卒復

詔內閣學士王之樞踵修而周子嘉禎佐之乃相續成編上自帝堯甲辰下迄元順帝至正二十八年戊申凡三千七百二十五年名

御定歷代紀事年表共一百卷

顧張思雪亭叢記

瀛按之樞定州人其鄉試出先宮諭之門

周少司空詩文不甚傳於世傳其視學浙江頗有清名

武進毛綦芟爲鄉後進乃詆其目不識丁質綠獲薦蔡

芟好譏呵前輩豈定論邪

沙邨偶筆

昔人云一人知己可以不憾乃亦有偃蹇於生前而振

耀於身後者故友陽羨陳其年諸生時老於場屋厥後

小試亦多不利已未博學鴻詞之舉以詩賦入翰林爲

檢討不數年病卒京師及沒而其鄉人蔣京少

景祁

刻其

遺集無隻字軼失皖人程松才

師恭

又注釋其四六文字

以行於世此世人不能得之於子孫者而其年得之一

以桑梓後進一以平生未嘗覲面之人而收拾護惜其

文章如此亦奇矣哉

古夫于亭雜錄

金壇潘高孟升五言學韋柳余愛其清真古澹謂可與
王言遠庭邢孟貞昉頡頏陳其年與余書云有潘高者
貧而工詩久別無可言者止此一物奉獻潘有寒食一
絕云黃鴉穀穀雨疎疎燕麥風輕上紫魚記得去年寒
食節全上冢泊船初

漁洋詩話

余少時在廣陵每公事暇輒召賓客汎舟紅橋與袁荊
州于令諸詞人賦詩有綠楊城郭是揚州之句江淮間
取作畫圖又與林茂之張祖望杜于皇孫豹人程穆倩
修稷於此自賦冶春詩二十首陳其年題其後云官舫
銀鐙賦冶春琅邪風調更誰倫玉山筵上頽唐甚意氣

公然籠罩人宗定九元鼎詩云休從白傅歌楊柳莫向
劉郎演竹枝五日東風十日雨江樓齊唱冶春詞劉公
戒曰耀明珠蔭桂旗麗矣或率而兒拜或矯而當熊或
揚袂隨風如欲仙去遺世獨立橫絕一時不必如老鐵
花游諸曲遁作別調始見姿媚也

同上

余與邵潛夫陳其年諸名士以康熙乙巳修稷冒辟疆
水繪園分體賦詩余戲謂其年曰得紫雲捧硯乃可紫
雲者冒歌兒最姝麗者爲其年所眷許之余坐湘中閣
立成七言古詩十章後一日杜茶村自廣陵至亦有補
作或問之曰阮亭詩何如杜曰酒酣落筆搖五嶽詩成

笑傲凌滄洲君詩何如曰但覺高歌有鬼神誰知餓死

填溝壑

同上

先兄考功常云合肥公流水青山送六朝才子語也陳
其年浪捲前朝去英雄語也公自東粵歸過金陵賦詩
云綺閣臨春玉樹飄空江鐵鎖野煙消興亡何限蘭亭
感流水青山送六朝陳有烏絲詞三卷多瓌奇闢房游
俠之詞尤妙如春陰簾外天如墨又玉梅花下交三九
雖秦柳不能過也

池北
偶談

陳其年以四六詩餘冠絕一世然其詩亦豪邁有奇氣
嘗贈先西樵兄及余詩云名士終朝能妄語蓋反用世

說語也又贈山陰呂生云馬中赤兔人中布用成語尤

奇

古夫于
亭雜錄

陳處士排偶之文平縣悽惻幾於凌徐攀庾余致書王
于一曰唐以前某不敢知自開寶以後七百年無此等

作矣

汪琬
說鈴

王西樵常語子弟曰陳其年短而髯不修邊幅吾對之
祇覺其嫵媚可愛以伊胸中有數千卷書耳

宋榮筠
廊偶筆

計改亭東云予與陳其年同讀書于宋司業德宜家其
年居西舍予東舍燈火相照予不能夜坐而喜早起其
年吟詠必至夜分而起每遲其年始爲驚豔絕麗之文

予嗜蒼涼古質之作兩人性不相易然至相契

茶餘客話

賜內閣學士徐嘉炎

御書一聯云樹影不隨明月去溪聲常送落花來又唐人張旭隱隱飛橋隔野煙絕句詩一首又

賜嘉炎一聯云樓中飲興因明月江上詩情爲晚霞又賜絕句詩一首云玉臺詞藻重徐陵經笥出來博雅稱每見趨陪鵷鷺側神仙風度在觚稜

居易錄

徐學士華隱先生江西詩一卷嫖姚跌宕近似太白尾

文

俞思謙校詞科榜發後二日馮文毅修稷於萬柳

堂酒半文毅問包咸注浴乎沂是被濯抑是澡洗
華隱學士云古無裸體入水者惟齊懿被弑時有
丙歎閭職入申池浴池與沂川不同且是賤者之
事非士大夫所宜行又時屬夏月非暮春也暮春
入水恐無是理矣衆以爲然康熙辛酉

王師收黔滇羣臣獻頌甚夥惟學士獨仿饒歌鼓
吹曲自

聖人出至文德舞止凡二十四章每章因事立名
與繆襲韋昭何承天輩相表裏

義山當

國初鼎革時馬將軍兵破平湖將殺其父義山才九歲
抱將軍膝求代將軍奇之取扇上詩示之曰兒能讀是
卽救汝父義山朗誦曰收兵四解降王縛教子三升上
將臺此宋人贈曹武惠詩也將軍不殺人卽今之武惠
矣將軍喜乞以爲子後得脫歸己未舉鴻博入詞林

聖祖愛其才一日七遷至閣學纔一年引疾歸自題華
表云一日七遷千古少周年致政寸心安又十年卒

袁枚

隨園
詩話

俞寶華曰義山閣學官翰林時適試翰詹以豐澤園賦
理學眞僞論共八十九人擢第一名重冠時著有雅坪

集採入

欽定國朝別裁中

兩浙輶軒
錄補遺

楊柳塘東更向東
綠蒲紅蓼各成叢
三家村口少人過
獨木橋邊有路通
老屋短垣披薜荔
主人長日注魚蟲
客來彷彿桃源內
雞黍爲歡話古風
馮葑東檢討題沈
莊樛幽居也沈文
懋採入

國朝詩別裁集注云此太史贈先大夫者寫景屬辭如

讀缶鳴集中長句

顧豫淥
汀詩話

錢編修宮聲中諧有司馬相如小印因憶元陸友仁得

衛青玉印翰林虞伯生諸公皆有詩因著印史

池北
偶談

琉球中山王遣使入貢於還京時護送官福建候官縣
五縣寨巡檢胡奉至杭州爲使者買絲布什器兼覓毛
初晴論釋西廂記及瀨中集詩于書林不得有言予寓
杭州鹽橋遂訪予予答之見使者通姓氏正使爲耳目
官魏俞副使爲正議大夫曾承都其譯字官蔡鑑則談
議風生儼然一吳門人盛言其國多書籍有五經四書
鏤板并子史諸集卽近代名人詩文新舊俱備其搜初
晴詩有以也且道汪春坊舟次冊使時文采風雅至今
國人皆思之爲勒石中山王府前其從人十許中有少
年黝髮被頰皙白似幼婦遠立而睇予曰閩中有渡海

者乎曰無有卽回指其人曰此牡也蓋逆知予所詢在此人矣其敏如此又曰中山婦渡海不利卽中國婦亦無渡海至中山者

西河詩話

汪楫字舟次以詩來謁酒闌月墮抵掌漢魏以來六代作者升降之故當其神解意盡塵尾奮擲頭沒杯桮中一坐屏息其詩以古爲宗以潔爲體以清冷峭蒨爲致自矜其詩不欲版行戶部侍郎浚儀周公敦勉至再始刻詩百篇蓋其自命之意如此

漁洋文略

琉球中山王請封

上慎于擇使下部議須通經術善詔命者

廷臣會推翰林汪楫以充正使汪才質端偉專對具宜
入見

上大悅賜一品服璽書金冊

臨軒遣之汪自國門駕八騶

天仗前導龍旆飛揚都亭張設不絕於路朝士賦詩送

者數百人

今世說

宗定九稱汪舟次文理不繆搖其枝字不妄舒其藻

同上

瀛校先生之以編修使琉球也一時諸公皆有詩

贈行琳琅滿軸海昌周進士春嘗言當推先宮諭

詩爲冠詩云清秋銜

命出明光遠錫藩封按舊章冠珮曉沾

宮露重旌旗晴入海雲長炎方風物搜圖志行篋

詩篇接混茫暫遣儒臣持玉節青編猶待定雌黃

時修明史未竣公卿多恨識君遲籍甚盈廷集議時器識

本來爲

國重艱難何敢以親辭秋風車騎鄉閭近霄漢星

文海外知好慰高堂雙白髮門前潮汐話歸期上

使風儀望若神前迎轡長拜清塵威靈

聖世原無外禮樂中朝自有人高宴不陳堂下伎

歸舟應少異方珍可憐閩嶠兵初戢疾苦憑君達

紫宸

闕下朝來一上書

王程萬里肯躊躇空傳島嶼畱殘孽自有風雷助
埽除下瀨蛟龍開道路迴帆簫鼓動清虛衰遲不
少乘槎興白日昏昏臥直廬嘉慶五年李舍人鼎
元偕趙殿撰文楷出使琉球過杭州舍人攜先宮
諭詩集二十部至海外舍人歸言琉球人皆知傳
誦亦可謂價重雞林矣

戴殿海桼悔齋方伯出使琉球長史鄭弼良以王
命請畫象畱國中方伯口占答之云豈是中朝第

一流偶持

龍節拂麟洲大名那得齊諸葛遺象何勞比益州
稍喜文章堪報

國誰憑骨相取封侯靈臺一片眞難狀多謾傳神
顧虎頭歸以琉球筆筠管蘆管各一贈朱竹垞檢
討檢討調寄一枝春詞謾之

予娶曼殊京師多贈詩曼殊手書之成帙及死或竊之
去則手書誤之也曾記同館袁編修杜少四詩中一云
薄飲梨花春微弄蘭香豆不逢燕趙姿但誇東南秀京
師酤酒最下名梨花春予日酤八錢佐以豆此實錄也

後張學士圃翁見曼殊狀罽弔以詩次章亦云典衣酤
酒不知貧一盞梨花相對春正指其事但是事頗祕且
狀罽亦未之及在杜少或以游數見知學士甫還朝從
龍眠里間來何以得此

西河詩話

東明袁霽軒中允詩極清麗不染塵氛其佳句有出寺
溪雲隨意遠過橋山月趣人低玉階怨云玉階無人行
徘徊玉階側皎皎明月輝照見妾顏色不言怨而令人
有言外之思得風人之旨

孫滂箸
舟詩話

奇齡請十旬假同官餞予于沙河門外皆有詩獨朱竹
垞賦長律二十四韻中有云曉雨千門散新泉五牖開

花光暗淡沱峰翠遠氤氲祖席移帆影回塘蹙水紋語
多兼往事觴罷判斜曛此卽事也至語多兼往事起一
句遂有云午爨柯亭竹秋眠蕙帳蚊則敘予鄉游時失
路栖淮浦逃名憶汝墳則敘予出走時事易穿東郭履
難免北山文則敘予應

召時事香奩詞悵悵錦瑟泪紛紛則敘予亡妾時事爲
折章臺柳翻辭祕省芸則敘予歸來時事此皆貽贈之
最親切者自非竹垞焉能知我若是予嘗品竹垞長律
可凌駕元白卽此可驗

西河
詩話

朱竹垞著書最富如日下舊聞經籍存亡攷皆百餘卷

又撰詩綜詞綜若干卷其自著詩歌雜文曰竹垞文類
者予爲序之尤愛其少時永嘉諸詩如南亭云薄雲雨
初霽返照南亭夕如逢秋水生我亦西歸客西射堂云
已見官梅落還聞谷鳥啼愁人芳草色綠遍射堂西孤
嶼云孤嶼題詩處中川激亂流相看風色暮未可纜輕
舟吳橋港云聞說吳橋港荷花百里開當年王內史五
月棹船迴瞿溪云鳥驚山月落樹靜谿風緩法鼓響空
林已有山僧飯飲吳郎宅云吳郎愛客解千齡勸引青
絲挈玉瓶落日兒童齊拍手過江三日幾曾醒祁六座
上逢沈五云東陽年少沈休文五載相思兩地分今日

謝家羣從在青綾障外更逢君

漁洋詩話

魏禹平持水村圖求題予作四絕句竹垞詩云綠蘋不礙板橋椿紅葉長堆老樹腔他日相思任風雨抽帆直

到讀書窗

居易錄

朱竹垞在翰林詠史云漢皇將將屈羣雄心許淮陰國士風不分後來輸絳灌名高一十八元功海內詞章有定稱南來庾信北徐陵誰知著作修文殿物論翻歸祖孝徵因此爲人所嫉

同上

昔見朱竹垞檢討詩云捉臥甕人選新格初不解及觀通志有趙昌言捉臥甕人格及採珠局格旋基格金龍

戲格等名始悟所謂

大內南書房在

乾清門內西廊下

內直翰林官居之其出入皆奉

旨由某門侍衛某人導引伴送壬戌後

特旨內直官許於禁中乘馬至所出入之門故朱檢討

彝尊記

恩詩云迴思身賤日足繭萬山中蓋異數云

分甘餘話

秀水朱竹垞檢討云杜詩老去詩篇渾漫與今本皆訛
作漫興非也予考舊刻劉會孟本千家注本果皆作與

字趙云眈佳句而語驚人言其平昔如此今老矣所爲詩則漫與而已無復著意於驚人也劉後村集跋陳敎授杜詩補注亦云或信筆漫與云云然近日宗伯本作興字略無辨證又云倪雁闌燦檢討有宋刻十家宮詞內王建太平天子朝元日作朝迎日亦新

香祖筆記

朱十彝尊詩才雋逸文尤跌宕可觀然性好飲酒嘗與高念祖入都每日薄暮泊舟輒失朱所在及高往求之則朱已闌入酒肆中醉臥鱸下矣

汪琬說鈴

竹垞先生齋夜飲各舉古人男女成對者爲酒令得太白小青無咎莫愁彩鸞赤鳳無雙第五觸龍飛燕漂母

灌夫武子文君羣玉串珠策野西施紅橋白石等字前輩文字之飲韻致若是吾見時流酒次草野而好論官常黜僧而侈談經濟已屬可嗤甚至其言糞土猶以齒牙便利爲能俗氣熏人可憎亦可憐也

查嗣琛查甫輯聞

韓慕廬宗伯莢以諸生被斥壬子以第一人中式癸丑會狀虛心好學至老不倦嘗語人云吾貴爲尚書寧如秀水朱十以七品官歸田飮疏飲水多讀數萬卷書耶

茶餘客話

瀛桉先生竹垞圖嘗自題百字令詞一闕當時名公俱有和作錢農部楮爲其鄉後進嘗持以示學

使儀徵阮公元及瀛公與瀛並屬石門方處士燕
摹之以歸并題三絕句云金風亭子小長蘆前帶
書堂剩畫圖千箇簷簷數間屋蕭湘煙雨碧模糊
百字清詞唱曉風後來詞客句還工農曹祇笑貧
如許不向南垞買半弓杜陵老去夢歸遲曹霸丹
青頗擅奇淮海阮公眞好事披圖重與寫煙枝